

地
3
24册/次

290
● 2
17

海國圖志目錄

外大西洋墨利加洲

卽彌利堅洲

卷四十

彌利堅國東路二十部

戈覽彌阿

國都

緬部

紐舍社部

一作新韓賽

注門部

一作華滿

馬沙諸碩斯部

一作馬沙諸些

律愛倫部

一作羅底島

袞特底格部

一作干尼底吉

紐育部

一作新約基

紐惹西部

一作新遮些

賓西爾注部

一作邊西申文



地那洼部 一作底 拉華

馬里蘭部

洼洽尼阿部 一作費 治彌亞

南戈羅里部 一作南 駕羅連

北戈羅里部 一作北 駕羅連

若治阿部 一作磋 治亞

阿希阿部 一作阿 嘻阿

彌洽顏部

根特機部 一作建 大基

佛羅里達部 一作費 羅里大

以上廿部皆彌利堅東路

海國圖志卷四十

歐羅巴人原撰

外大西洋 北墨利 加洲

侯官林則徐譯

邵陽魏源重輯

彌利堅國東路二十部 沿革分 附各部

彌利堅洲之育奈士迭國分士迭二十有六士迭華言大部落也達厘多里二華言地方也底士特力一華言國都也在各士迭之中又各分岡底士華言小部落也惟雷西阿那所屬之小部落不曰岡底士而曰巴里些

海國圖志 卷之六十四 洋
士尙有因底阿土番所屬四部在外。

戈攬彌阿部幅員福小間於馬里蘭注治尼阿之中。

濱波多墨河距阿蘭底海二百里千七百九十年乾隆

五十年頭目注申頓所定因以名其國都為頌政判事

會議之總地創築三城一曰注申頓一曰查治當一

曰阿力山特厘阿此三者皆其都城不在部落之數

地土燥濕不一頗多勝景河道通達無論大小海船

均可徑抵都城故貿易最盛案此部乃國都在二十六部之外

注申頓城國初千八百年創築街道平濶若棋局車馬絡繹中設加碧多爾一座為議事

公所周三百五十忽中央高兩旁低平四圍石砌
飾以白堊有上人戰陣之圖勃列西領衙門一所
亦用石砌樓高二層旁即文武官衙門餘作書院
廟宇民舍并建橋梁可通阿力山特厘阿查治當
兩部千八百十四年被英吉利人攻破各衙門均
被焚燬後旋奪回修復都內居民萬三千三百七
十九人黑人三千百二十九口奴僕二千三百十九口

查治當城在注申頓之西中隔小河相距三里可

力書館一所注申頓之外城屋多磚砌設有加特

鑄炮局一所商賈貿易以此為最居民三千四百

阿力山特厘阿城在注申頓對岸相距六里築於

手藝館商賈貨物以麥麩煙葉兩
種為最居民八千二百六十名

緬部東北俱界英吉利所屬之新墾地。西半界紐舍社。南界阿蘭底海域內多山。著名之加達領山。高五百餘丈。在緬部之北有阿爾臘牙時河。注爾魯士多河。阿魯士多河。三水俱由英吉利所屬之贊河發源。而注于緬地。在緬南之河道有北納士葛河。根尼碧河。各長三百五十里。歷鼻峩而出阿蘭底海。模士迄湖。長五十里。寬自數里以至十五里不等。緬地河多湖。水居六分之一。原屬馬沙朱碩士之地。千八百二十年。嘉慶二十五年始來歸附。創部落。立岡色爾之官。每

年一更代。由衆推舉。所舉之人。必居緬地。經三載而推舉最多者。方得充之。若小部落理事官。卽由總領選擇。會商岡色爾委授。如奉委之人果賢。卽可常供厥職。非如岡色爾之歲更也。幅員三萬五千方里。戶三十九萬九千口。有奇。領小部落二十有五。俗奉波羅特士頓教。加特力教。歲按戶收先士四十枚。爲書館脩脯膏火之費。土產煤炭鐵石。板木料。醃魚。尤多巨木。先冬斬伐。待春漲浮出山谷。原本

美理哥國志畧曰。明天啟六年。有英吉利數人。始至

基尼伯河畔，創立一鄉，後數十年，與馬沙諸些合而為一道。光元年，始分立一部，曰緬部。東接新普倫瑞克地，西北連干尼底吉之南，此二地皆屬英吉利國。西南通新韓賽部，南接壓瀾的洋，南界隔赤道四十三度五分，北界隔赤道四十八度，自南而北，則四度五十五分矣。西隔中線，東六度三分，東極隔中線，東十度三分。由此觀之，自東而西之地，則四度無幾矣。其地參差不成方圓，故以其南北極東西極而言之，延袤與浙江省相似。其山則嶄巖不等，最高者五百

餘丈。萬山環繞，水皆注大西洋。其南境海潮，常長至二三丈。雖冬月嚴寒，冰難凝結。北境則寒沍，雪深四五尺，數月不消。水面冰堅，人馬可渡。夏又炎蒸，故冬夏易于染疾。境南去西大洋約五六十里，沙礫泥潦，產五穀為最。葛藟次之。腹內地則腴沃高平，大抵地曠人稀，樹木葱鬱。山內產鐵，禽獸有馬牛羊豕。林木有松、橡、樺、榆，果實有林檎、桃、苦提、梨、梅等。惟村木極賤，漁戶歲得銀五十餘萬。貿易有大小呢、棉花、紙、熟皮、蠟、燭、鐵器等物，而以木材為最。洋艘皆賴乎此。次

則畜牛羊豕犬販于他邦。又次有牛油香靚蠟燭靴鞋石磚鐵等。每年出口之貨約入百餘萬。所收稅餉約銀三四十萬圓。合計美理哥國貿易緬部居十之五焉。道光十年其居民共計三十九萬九千四百六十二口。所務生業惟農漁商。無鉅富亦無極貧。皆煖衣足食。通部內分中部十小部落三百。附基尼伯河新建會城名奧古士大。其官有四等。首領一人。副領七人。巡按十二人。贊議數十人。其總制巡按議處皆以三十歲爲例。由民公選。各官皆以每年正月初禮

拜之。第三日會議。其副總制七人。于巡按議處內公選總制。每年俸銀千五百圓。出缺則巡按之首署理。除副總制外。別有一善書助之。軍務則總兵官保障封疆。每歲總制與巡按及議處同會議省律法。在必行。其行之必至上始。又省內有一正察院。其餘分處各方。通省各員所用之項。共計銀二十萬圓爲率。書院兩所。別有大學公堂。乃儒者苦攻聖文之所。其鄉中學館共三十間。此外童蒙之館。各處皆有。每人歲捐銀二錢入分。送交首事而已。別有聖教會所。共有

五百餘每所內約六人至十人不等內一師于每禮拜日升堂宣訓每年束脩銀六百圓至于圓不等別有仁會數處以濟鰥寡孤獨疾病之人補今

紐舍社部東界緬西界注門南界馬沙朱碩士北界英吉利所轄新地域內峯巒層疊其最高之注申頓山六百餘丈其河俱由外部落山澗發源入境湖澤最鉅者為尼比西阿尼湖長二三十里廣十里狹二三里近渚遙山螺翠掩映淪漣澄漪娛懷蕩日始麻臣俄尼士二人於千六百二十三年明天啟三年墾出那

注博士茂兩處旋與馬沙朱碩士并一部落千六百

七十九年康熙十年復各分治旋歸附彌利堅國設總

領及岡色爾官均于一年更易領小部落二十一幅

員九千四百九十方里戶二十六萬九千三百二十

八口俗奉加特力教波羅特士頓教設書館千六百

所技藝館三十五所湖澤多魚民業漁販邇來澤國

亦漸聲教土產洋參冰糖銅鐵鉛木牛馬豕原本

美理哥國志畧初明萬歷四十三年英吉利人始得

新韓養之地迨天啟三年許其自立為政後數十年

土人皆將其地與馬沙諸些合爲一部，而不自專。及乾隆六年間，則自立爲一部，改稱新韓賽。東接緬部，北接于那大部，西接華滿部，南接馬沙諸些部，東南界洋海，南界南極，出地四十二度四十一分，北界北極，出地四十五度一十一分，西界隔中線東四度三十分，東界隔中線東六度，其地斜袤不正，廣如浙江省四分之一，自北而南，羣峯秀峙，山路崎嶇，其北山高者六七百丈，南山次之，亦二三百丈，惟北最高之峯，積雪四時浩然，呼曰白山，山險嶺峻，爲通國之最。

近北有小湖，南注于尼底吉大河，與華滿部交界，又有大湖通貫美理麥大河，南過馬沙諸些，復轉入東洋，尙有各小河湖在外，天時略暖于緬部，土氣清和，故民多壽，越百年而逝者，八十有三人，木最高者二十丈，厚徑七尺，圍二丈有餘，山內多鐵礦，且多人參，農皆立會，彼此相助，以廣耕種，工匠不可勝數，其紡織之所，約六十間，織呢絨之所，三十二間，亦有以人力獸力而磨五穀之房，共六百有九間，以水輪鋸木之房，共九百五十二間，每間用一二人掌之，其水力

可抵百人。橋梁共計二十有五。其貿易罕商他國。惟賈本都。道光十年。民戶二十六萬九千五百三十三口。百年以前。不過萬二千有奇而已。地分部八。小部二百二十。其波子某府城附近。東洋海艘所匯港口。爲二十六部之冠。隆冬不冰。波濤不險。最大之洋艘皆可進口。故國中兵船干此灣泊。別有造船廠一所。砲臺二座。部東瀕海有一河。名庇士。駕木瓜。有二橋。一長四十八丈。一長百七十五丈。會城在美理麥河畔。名曰公哥突城。戶口四千。房屋稀少。惟有一石監。

長七丈。濶三丈六尺。高丈四尺。監中五六十人。工作其中。各官員與緬部同。各鄉學館千六百間。府學館三十五間。會城內有一大書院。院內爲師者十位。肄業者約二百人。教會共有五百餘。每會建一禮拜堂。每會約有八九百人。掌教者一人而已。仁會亦同。補今注門部東界紐含社。西界紐育。南界馬沙朱碩士。北界英國屬地。境內多山。其最高之晏士非爾山。高四百餘丈。滾特底格河。由注門發源。而達袞特底格入海。古勃連湖。廣六百方里。始由英吉利人居。馬沙朱

碩士者首墾其地六年後佛蘭西人亦至千七百九十一年乾隆五十六年即歸附於彌利堅以滿比厘阿為首區設立總領一副統領一並有立法衙門行法衙門其逐年更易薦舉之法與紐舍社同領小部落二十五幅員一萬方里戶二十八萬六百五十口俗奉加特力教波羅特士頓教設書館千六百一十二所並有技藝館醫館一切費用定例每一小部供給三月周而復始產鐵器布疋棉紗粗呢牲畜每年計鐵器銀七萬五千員布百五十忽棉紗十一萬二千棒原本

美理哥國志畧萬歷元年法蘭西人由于那大地尋至華滿迨雍正二年英吉利人托居于馬沙諸些省由漸而據之乾隆年間別創華滿部東接干尼底吉河南北交界之度數與新韓賽同西接新約基部之汕玳連大湖其內地較新韓賽略廣南山連峯而北至會城分而為二環抱左右內多杉木老葉未殘新葉又發時人呼曰綠山即譯名華滿也其中瀑布有流入干尼底吉大河者有流入西之汕玳連大湖者其湖南北長四五百里東西濶幾十里洋艘數十可

航更有聯杉木爲筏，販運他鄉，惟冬寒湖凍舟不往來。北界有湖，名曰緬法喇美哥，長百里，廣十里，又百里外有小湖，水入之。嘉慶年間，夏月有人在大小湖之間，建一麪房，欲決水磨麥，水忽漲發，泛溢百里之內，廬舍皆沒，湖亦不存。天時土產民俗，皆同新韓養。但山上冬春皆有積雪，山中產鉛銅鐵錫，而鐵尤旺。又產皂礬，每年不下萬餘石。內分部十三，小部二百四十五。居民則二十八萬零六百七十九口。會城在部中央，名曰滿玳理。首領副領理刑官各一，御史十

有三。書院教會等皆同新韓養。惟各官會議之期，不以正月而以十月。補今

馬沙朱碩斯部，東界阿蘭底海，南界袞特底格律愛倫，西界紐育，北界紐含社洼門。地崎嶇多大山，千六百二十年。明泰昌元年英吉利人向奉加特力教者，以犯

英國新例，逃至勃士茂，闢地而居，旋墾至洼治尼阿。與土人不睦，移墾馬沙朱碩士，生齒日盛，千六百九十二年。康熙三十一年復歸英吉利國管轄。及各部落怨叛，自立，遂亦翕然背英而附。彌利堅設立總領一副總

領二并立法行法判事衙門。每歲更易如例。其推舉人之人。須居部內一年。曾輸納丁糧。方能舉人。判事之官。即由統領率同岡色爾選擇。定例亦是一年一更。如果孳衆。亦有再續一二年者。綜計幅員七千百方里。戶六十一萬零四百口。領小部落二十有九。以摩士頓為首區。俗奉波羅特士頓教。加特力教。書館二千三百九十七所。費用亦各小部輪給。土產鉛鐵。白礬石板煤炭。大呢布疋魚油鹹魚。約值銀四百六十七萬二千七百四十餘員。布疋共七千九百二十

萬一千碼。

每碼計華尺二尺四寸

地雖崎嶇。而道路橋梁寬大

平坦。行旅無滯。

原本

美理哥國志畧曰。曩者英吉利人初至馬沙諸些。名其地曰新英吉利。後分其地為六。曰緬。曰新韓賽。曰華滿。曰馬沙諸些。曰干尼底吉。曰羅底島。而馬沙諸些。東瀕大海。近海之地。陂陀稍平。近西則高山峻嶺。與華滿無異。又有干尼底吉河。由北之新韓賽華滿交界。流過是地。而入干尼底吉。其河流在西境。僅居地之一。東境則居其地之二矣。東北角。又有美里麥

河及四方各小河港汊紛岐。島嶼亦衆。大者曰南得吉島。天時頗和暖。因其地遠于北。而漸近赤道也。每年春夏之際始雪。故至四月。春晴雪散。萬物始繁。地氣如中國之江浙。民罕疾癘。山產金銀鉛銅鐵錫甚少。而草木五穀菓實禽獸皆多于新韓。饗華滿兩部。業耕牧者。十居七八。爲二十六部之最。近年樹桑養蠶日盛。工作之所。二百五十間。織布呢絨玻璃器及鉛銅鐵錫各器。漁船共萬一千一百六十隻。惟得魚棄其肉而取其油。每年得資不下數百萬圓。貿易亦

多。然在二十六部則居其次。內分大部十四。小部三百有五。居民六十一萬零十四口。會城附東曰波士頓。然二十六部皆無城。故波士頓亦無也。城中房屋或磚或石。有高至四五層者。有一會議之館。高二十丈。中有華盛頓石刻之像。客旅寓館甚多。大者高五層。內房百八十間。時人稱曰三山客寓。又其市所冠于二十六部。樓高二層。廣長五十三丈六尺。有左右街。左街有六丈五尺。右街有十丈二尺。其市所名曰法內離阿。內外四面皆通。百貨闐溢。任求皆獲。城內

常留餘地廣百畝圍以闌干外環樹木馬牛不容踐踏故人煙雖極稠密而地氣得以疏通城中文學最盛書樓數所內一樓藏書二萬五千本各樓共藏公書約七八萬本官吏士子皆可就觀惟不能攜歸而已通城學館每年用銀五六萬圓濟窮養疾之院亦如之海內商船火船甚衆陸地之車用馬四匹或五六匹或一二匹日行六七百里其外更有火車惟以火力旋輪日可行千餘里城外市鎮亦多大書院共六所內一所自始建迄今已歷二百年為二十六部

書院之首內為師者三十五人受業者三四百人藏

書四萬本

今補

律愛倫部東北俱界馬沙朱碩士西界裘特底格南界阿蘭底海幅員千二百二十五方里戶九萬七千一百九十九口土不惡劣而寒冽不宜種植多捕魚貿易為生始有馬沙朱碩士之羅查威廉者遷謫此地千六百三十六年明崇禎九年鳩眾開墾至千六百六十三年康熙二年創築部落始屬英國後歸彌利堅國領小部落七以波羅威頓士為首區設正總領一人副

總領一人會議公署一所每季會議一次設書館三百二十三所肄業學僮萬有七千俗奉波羅特士頓教加特力教產鐵煤石板

原本

美理哥國志畧曰明崇禎九年有馬沙諸些人初至羅底島乾隆五十五年則自立一部爲二十六部中之最小東北界連馬沙諸些南接壓瀾的洋西接干尼底吉內分中部五小部落三十有一其幅員僅如粵東之南海番禺二縣居民九萬七千二百一十二口平原無高山近城河畔有島故人呼曰島部所謂

羅底島者卽譯名島部也島上有小樓高十餘丈樓上小房四圍玻璃每夜然燈數十光與水映俾夜行海艘不致觸島沉礁此皆國中首領及富戶捐貲所設各部濱海者無不有之地氣又暑暖于馬沙諸些會城名普羅費典在部之東北與馬沙諸些相近城南海港通洋艘名曰新灣其貿易多販運出洋故其人戶雖不及馬沙諸些之多而貿易工作竟能與馬沙諸些相毗惟棉布更勝之又部內地平無高山瀑布不能借水磨穀每于海傍曠地建樓高六七丈土

置風車借風動輪而磨其穀其境既小各官往來會議不難故每年三四次不等補今

袞特底格部東界律愛倫西界紐育南界海北界馬沙朱碩士幅員四千七百六十四方里戶二十九萬七千六百七十五口西多大山河最長者袞特底格河由緬地發源經本部部落五十里至紐蘭頓而注之海土雖不沃種植尙易近已栽桑畜蠶溯其開地之始一為馬沙朱碩士人墾出赤活之地一為英吉利人墾出紐蘭汾之地千六百六十二年康熙元年皆歸英

國管轄遂并合為一千八百一十八年

嘉慶十三年

二年始歸

于彌利堅國設立正總領一副總領一總會公署一所更代推舉如前例領小部落十有三以紐舍汾為首區俗奉加特力教波羅特士頓教書館甚多肄業學僅八萬四千歲費銀百有九十三萬員尙有醫館律例館不在此數土產牛馬羊騾銅鐵石板魚油鹹

魚原本

美理哥國志畧曰明崇禎六年馬沙朱些人始至于尼底吉寄居其後漸次開闢皆屬馬沙諸些迨十一

年然後自立一部名之曰干尼底吉北界馬沙諸些
東連羅底島西連新約基南濱海其方域有如中國
直隸省十分之一內有五山高者七十餘丈餘多平
地小河各處皆有。大者名干尼底吉河。徑新韓賽華
滿馬沙諸些三地。而後入干尼底吉注于海。南有大
港口。水不生波。而且迴環西注。而歷地獄門。其地狹
隘。江流
旋繞。小舟難渡。故土
人稱為地獄門云。出新約基也。沿河土地膏腴。近
南尤和暖。百產皆有。惟無人參。居民以其地腴。故尤
加意耕種。工作制造之物。布棉麻布疋大小呢紙。

器等物。又一地每年作木時辰鐘三萬件。每件價約
銀六圓至十圓不等。餘物出販無多。故洋船亦少。分
中部落八小部落。百有二十。居民二十九萬七千七
百一十口。會城有二。一曰哈得富耳。一曰新港某。哈
得富耳在部中。附于尼底吉河。其新港在境南瀕海。
通共教會共四五百。每會於禮拜日。約千數百人。登
堂聽教。其學館為二十六部之最。於新港會城之內。
大書院有四。其一例學四年。然後隨意學于三所。三
所內一學聖文。一學醫道。二學國中律例規條。四所

為師者共二十人，受業者四五百人。于哈得富耳城內一大書院，名曰華盛頓，其外教誨與聾者一院，中有百數十人所學之法，皆以手指。其後二十六部皆倣此焉。補今

紐育部東界注門馬沙朱碩士，袞特底格，南界賓而爾，注尼阿紐惹西，西北皆界英國新地，幅員四萬五千六百五十八方里，戶百九十一萬八千六百口。域內多山地，亦平曠，山以朗荅峯為最高，約三百餘丈。河以赤臣河為最要，長三百二十五里。此外河湖盡

通舟楫，始蘭頓之人於千六百九年

明萬曆三十七年開闢

紐育，千六百六十四年

康熙三年

設官治理，迨各部背英

而紐育亦於千七百七十五年

乾隆四十年

歸附，彌利堅

國，英國以紐育本我自墾之地，不甘遽棄，故興師報

復，大受荼毒，領小部落二十有四，以紐育為首區，設

立正總領一人，副總領一人，均由人民公舉，其立法

之官，一曰西業，一曰阿新墨里，西業四年一易，阿新

墨里一年一易，其審判訟獄者，又分大小，即由西業

選充，如大者果能供職，至六十歲始更易，小者五年

卽更其推舉必須白人年逾二十居本部經一年者方能出書薦人否則不得預也俗奉加特力教波羅特士頓教文學日盛書館萬有一百三十二所學僮五十四萬一千四百費用銀四十一萬九千八百七十八員尚有各技藝館不在此數先濬運河費官銀千餘萬員其通各部車路多鐵鑄成費亦不貲土產銅鐵鉛鹽牛馬豕羊疋頭玻璃等類計每年工作之物約值銀六千餘萬員未成器皿亦值銀四千餘萬員各家造織粗呢等物亦值銀二百餘萬員

原本

〔美理哥國志畧〕曰明嘉靖二十四年伊大里人始至新約基寄居爲荷蘭服役其時地屬荷蘭故稱之曰新荷蘭迨後順治年間英吉利人逐荷蘭而奪有其地英國王分封其昆弟名約者主之與荷蘭久戰爭終爲英吉利所得名之曰新約基其疆域有如中國之福建省地形三角惟東南角爲海島東界于尼底吉馬沙諸些華滿等三部東北角直至西南角皆連于那大地南接邊西耳文新遮些二部土地高下不一惟東多峻嶺大者名亞罷拉旣俺山河不勝數大

者名活得遜河自北流出千里入海河濶三四里來往洋船可納于半河有瀦瀑布之湖名曰畜治又西北之湖有二一名晏參利珂一名伊里其二湖之界半屬部境晏參利珂湖比于中華之鄱陽湖尤大其水出而西流其瀑布自上而下高十六丈聲聞數十里其地自南而北千百餘里故北之寒甚于南每冬春之月河冰可行車水有可作鹽有可作藥者惟作鹽更佳每年約賣數十擔民耕種者居四之三以地爲田者居四之一又部中首領欲人設農圃會故每

部立一會首領每年共送銀一萬員其貿易爲二十六部之最土產出賣每年共銀二千三百餘萬圓進口之貨變價約銀三四千萬各行工作會所約二百年每年賣出棉布約三百萬呷噤約三百萬鐵器約四百萬帽約三百萬熟皮約三百萬所作之靴鞋約共五百萬所作之白紙約共五十萬玻璃約二十萬其運貨河有火船陸有火車若速行每點鐘可五六十里慢行每點鐘可三四十里內分中部五十六小部七百六十二居民百九十一萬三千五百零八口會

海國圖志 卷四 外大西 彌利堅東路
城亦名新約基，在東南活得遜河口之東，于二十六部，城池形勢當推此城爲首，城南港口可納洋船，每月數百艘，皆可駛至城下，城外更有各市鎮，逾河而北數百里，一鎮名阿爾巴尼，一鎮名推來者是也，部內總制等官皆以二年爲一任，二年後復選，議處三十二人分四班，每班四年爲一任，首班任滿則二班升爲首班，別選八人爲四班，周而復始，參議百二十八人，每年一任，會議以正月爲期，按察院之大者有四，一內巡撫一員，議處三十一員，正按察一員，副按

察三員，每事皆會審定議，一內按察一員，省內各事皆專自辦理，一內按察三員，每事商辦，一通部分爲八巡道，每道一按察院，所有道內各事皆自查辦，其外州縣司等小察院亦有四，每年大小學館費銀約一二百萬圓，國中有一演武館，在省內活得遜河傍，地名西角，內爲師者三十人，學習者二百五十餘人，學刀鎗砲械軍器今補

紐惹西部東界海，南界地那注，西界賓西爾注，北界紐育，幅員七千二百七十六方里，戶三十二萬八百

二十三口，北多大山，而平地多沃衍，有巴沙益河，總受各水，匯成深潭，澄泓涵演，怡人遊眺，其初開地者一為緩林之人，首墾南隅沙臨之地，嗣有荷蘭人開闢東北，于七百二年，康熙四十一年始歸英吉利管轄，迨各部落叛英吉利，遂即率眾歸附于彌利堅國，領小部落十有八，以特連頓為首區，設立總領及立法之剛色爾，並總會公署一所，均由民人公舉，其審判訟獄者，即由總領等選充，上等者七年一更，次等五年一更，國人須年逾二十，曾納丁糧者，方准出書薦人，若

婦人黑人，皆不得預，俗奉加特力教，波羅特士頓教，禁販人口，近來文學亦有起色，產鐵白鉛石板正頭等類，車路亦皆治鐵為之。原本

〔美理哥國志畧〕曰：明天啟四年間，大尼國人始至，新遮些寄寓，其後英吉利、荷蘭、瑞典等國人漸至，其後英吉利盡逐各國，自立一部，近始歸美理哥，其地延袤比浙江五分之一，東南瀕海，北接新約基，西接邊西耳文，內分中部十三，小部百二十，居民三十二萬七千六百九十九口，西南有底拉華小港通海，東界海，皆

沙漠無山，惟近西有小山。其東沙漠之地，夏令炎熱，倍于他方。由東而西，地漸高，則炎熱漸減。地土不美，耕種無多。工作貿易，則勝別部。會城名鐵鏈道。其城近于底拉華。補今

賓西注尼阿部，東界紐箬西，南界馬里蘭注治尼阿，西界阿西阿，北界紐育。幅員四萬七千方里，戶百有三十四萬八千二百口。城內有墨魯山，高百餘丈。此外大山尚多，未及測量。河澤雖多，不甚長廣。如底臘注河最鉅，亦僅長三十餘丈。其初開地者，本綏林之

人。至千六百八十二年。康熙二十一年為英吉利將官威廉邊所據。千七百九十年。乾隆十五年始歸附于彌利堅國。領小部落二十有七，以哈里士麥為首區，設總領一人，并總會公署一所。內有西業里勃里先特底甫兩官，贊襄諸事。均由人民公舉。三年一更。如各部例。先日文學迂劣。千八百三十六年。道光十六年漸見起色。俗奉加特力教。波羅特士頓教。土產鐵煤鹽馬牛羊磁器布疋大呢玻璃苧麻等。五穀尤豐。車有鐵路，可通

近部。原

〔美理哥國志畧〕曰邊西耳文之始原康熙十九年我國未立首領之際尙屬英吉利于是有英吉利人姓邊者其父曾爲水師大將征伐捕盜奮勲勞于國故以其地封其子至康熙二十年有船三隻至二十一年又有邊船自至其時尚未有歐羅巴人至此土曠人希故邊向土人買此野地今名之曰邊西耳文譯云邊之林野也東接連新遮些省東北接連新約基西北直接伊里湖正西界阿噶阿費治彌亞二地南界連費治彌亞馬里蘭底拉華等三地較之浙江畧

廣有押罷拉旣俺山自東北至西南濶數千里高三四百丈城不瀕海惟西北有伊里大湖東有新遮些交界之底拉華河其河水出而下注至省城之底拉華大灣是故洋船常至城外又押罷拉旣俺山有濕布下蘇貴哈那大河由此而南注馬理蘭部境東不暑不寒與新遮些無異惟城外峻嶺則寒較勝然過此以往至西則又和暖地土肥瘠則東勝于西山中多樹木禽獸而煤更盛甲于諸部土人每常掘地四五十丈取水作鹽亦有水可作藥者耕種不甚加意

以其地太廣也。五穀以麥爲多，果實以桃梨蘋果爲盛。工作則有呢絨布疋，玻璃鐵器木器各等。又有作煙櫃之所，其煙櫃在車則云火輪車，在船則曰火輪船。此皆賴水蒸之力，旋轉而行。部內分爲二巡道，五十一中部，五十一小部，居民百三十四萬七千六百七十二口。城介底拉華灣底拉華河之間，名曰費拉地費。至海約四五百里。城居底拉華河之西，四圍皆九里十里方平，街衢廣五丈，至十一丈，無曲道小巷。省西有小河，河四十里外之上流，清如瀑布，于此有

水車渡其水，上進至一小山，山上有池，池外有大鉛管貫入，而復渡其水出也。其鉛管斜下，透入城中地底，如中華之溝渠。由是各家地下皆有鉛管引水，各街地下亦有鉛管分流也。又街中家家各豎一管，以截其水。管上有一扭準，如欲放水，則扭出其準，欲止其水，則扭入其準，故炎夏洗街，家中用水，皆于此管焉。其管或鉛或瓦爲之，非比地下之必以鉛爲也。省城內有一博物院，廣聚天下出類拔萃之人，官員每年以十二月會議，餘與馬沙諸些無異。大書院有七

每院為師者三四人，從學者一二百人，鄉中學館在前時無多，今土人合議，各人捐輸，竟有一人樂助銀二萬者，餘亦捐題不少，教會遂多至八九百所焉。補今地那注部東界海，西南皆界馬里蘭，北界賓西爾注尼阿，幅員二千一百二十方里，戶七萬六千七百四十八口，地勢平蕪，南多潮濕，河渠不多，其大者墨蘭地溫河，不與他國貿易，惟與近部舟貨往來，千六百二十七年。明崇禎七年始有綏林之人，闢闢其地，千六百六十四年。康熙二年歸於英國，千八百二十年。道光十年始附。

于彌利堅國領小部落六，以那注為首區，設總領一人，四年一易，薦舉如前例，書館百有三十三所，需費銀十八萬員，俗奉加特力教，波羅特士頓教，土產大呢布疋鐵器等。原本

美理哥國志畧曰：明萬歷年間，瑞典王遣使渡海，至新瑞典地，後順治九年，為荷蘭人所奪，至康熙間復為英吉利人轉奪，改名曰底拉華，于二十六部內，羅底島極小，而底拉華次之，僅當浙江省二十分之一，東與洋底拉華灣等分界，北與邊西耳文為界，西南

接馬理蘭內分為三中部二十四小部居民七萬六千七百三十九口水路通海通底拉華灣并有數小河交匯其運河長六十里廣十丈深一丈有山不高地則西北為佳東南時虞漲潦土既不美耕種者希工作貿易亦然境內一城名曰多發官員學館教會皆與邊西耳文無異惟大學未有建設緣始與邊西耳文本為一部後分為二故土人之規模動靜皆大同小異今補

馬里蘭部東界地那注海西南俱界注治尼阿北界

賓西爾注尼阿幅員萬有三千六百方里戶四十四萬七千四百口地多大山平壤頗沃河道四達故海舶貿易甚大其初英國律官曰麻爾底摩者領眾二百至此開墾父子相繼千六百三十三年明崇禎六年值馬里阿女王時告成遂以王之名而名其地曰馬里蘭迨各部落叛英以後馬里蘭亦歸附于彌利堅國領小部落十有四以阿那波里為首區設總領公署一所薦舉更代如前例各部書館費用銀五萬員文學漸起俗奉加特力教波羅特士頓教產銅鐵磁器

石板麥粟魚油鹹魚大呢布疋

原本

〔美理哥國志畧〕曰明萬歷年間英吉利人奏准女王請往美利哥關地遂領二百人置買此地名曰馬理蘭馬理者王后也蘭者地也蓋言王后之地也海口在底拉華之東邊西耳文在北費治彌亞在西南內分二路十九中部落居民四十四萬六千九百十三口東接大洋中貫遮士壁灣北連蘇貴哈那河西連頗多麥河東南瀕海地廣無山西北峻嶺高三百丈海濱甚暑近山甚寒東南土宜五穀果木工作則有

鐵器牙器玻璃紙料等會城有二一名霸地磨耳一名安那城書院有四公貯書數百卷境域當浙江四分之一美利哥國都半在部西半在費治彌亞周四十里名曰華盛頓初未立都城時與英吉利爭戰以華盛頓為帥得勝故以其名名都城今為二十六部之公地故各官亦公同理事于其中今補

注治尼阿部東界馬里蘭海南界北戈羅里西界根特機阿希阿北界馬里蘭及賓西爾注尼阿幅員七萬方里戶百二十一萬一千四百口地多大山其高

者有波威爾士山四百餘丈。河渠甚多。最長之波多墨河長三百六十里。商賈所匯也。初英國依里薩柏女王時。有英人在占士開墾告成。千七百七十六年。乾隆四十年。即自立為一部。歸附于彌利堅國。領小部落五十有三。以里治滿為首區。設總會公署一所。薦舉更代如前例。書館百所。學僮萬七千餘口。歲費銀四萬五千員。此外各部。尙有大書館。大書院。及技藝等館。俗奉加特力教。波羅特士頓教。產金。鐵。銅。鉛。煤。鹽。麥。粟。煙。葉。棉花等。部落庫中。常貯銀三百萬員。備各

款經費。原本

美理哥國志畧曰。明萬歷三十四年。英吉利占士王時。有人至美利哥。開一新地。立其城。即以王占士之名名之。然地開闢。人煙稀少。鳥獸交錯。廬舍荒蕪。迨後分茅列土之際。始名曰費治彌亞。譯云貞女。意以頌讚女王也。東瀕海。東北接馬里蘭。北接邊西耳文。西連呵噶阿建大基二部。南連典尼西駕羅連二部。二十六部疆域。此為最廣。有如貴州省。焉。省北有押罷拉。既俺山。橫亘邊西耳文部。斜抵西南。有羅晏屋

河占土河頗多麥河阿嚙阿沙河其外尚有數小河
 境東瀕海無膏腴惟沿河皆沃土境內之山有一橋
 浮石生成非由人力橋底離水二十丈橋濶數丈傍
 多樹木掩映又有一石洞口僅容人而內深一里許
 內有數石人不知制自何代時人呼曰龍洞地廣務
 耕種多稻穀果實貿易亦衆內分爲三路又分中部
 落百有三居民百二十一萬一千二百七十二口會
 城近東沿河名里是滿今補
 南戈羅里部東界海西南俱界若治阿北界北戈羅

里幅員三萬三千方里戶五十八萬一千一百八十
 口境內僅有特墨爾山高有四百餘丈餘俱崕巖林
 木叢茂初英國律官曰格拉領頓者與依爾額蘭威
 爾里等奉渣爾士王之命於千六百六十三年康熙二
 墾此即以國王之名而名其地曰渣爾士頓嗣與臘
 里開墾之地亦經告成總名曰戈羅里地方遼濶旋
 分南北兩部千六百八十年康熙十九年英國續遣落機
 至此又將南戈羅里再分兩部落設官治理不治人
 心千七百一十九年康熙五十八年并歸爲一迨千七百九

十年乾隆十五年亦背英而歸彌利堅國領小部落十有

九以果攬彌阿為首區計幅員三萬三千方里戶五

十八萬一千一百八十口設正副總領各一人並總

會公署一所薦舉更代如前例書館八百一十七所

學僮八千三百九十八歲費銀三萬七千員俗奉加

特力教波羅特士頓教產鐵棉花苧麻絲髮穀稻等

河渠不甚長遠有鐵路通鄰部原本

美理哥國志畧曰康熙五十九年駕羅連之南始有

人托足後康熙六十年立一城曰查士頓原與北駕

羅連為一迨雍正七年始分疆為二號南駕羅連東

南濱海北接北駕羅連西南接薩洽亞地當中國浙

江省四分之一皆平地無高山由東南而西北則地

漸高故北有玳底大河貫境而注東南洋又有散底

河貫境而至南洋西北交界有卸番亞河亦斜入西

而注南洋海中自東而西多島其中參天材木不可

勝數故部內火輪船皆在島內往來不致遭外洋之

風浪東南多烟瘴歲中常暑熱冬至不過稍寒數日

霜雪旋落旋消西北地漸高天氣亦漸適中東南瀕

海一二百里。皆膏沃。多松橙。三百里外則沙漠無際。漸進而高。直抵西北。則又勝乎東南。與駕羅連北部相同地。多產金。不可勝用。貿易以棉花穀米為最盛。境內無販貨之船。皆鄰部之船。載運出境。內地分為中部二十九。居民五十八萬千四百五十八口。東方查士頓城最大。瀕海。此外別無大城。會城名個倫備亞。其官員與駕羅連北部無異。惟北部無副領。此則多一副領。亦並無職事。惟遇首領缺出。則補其缺。教會約二三百大書院二所。補今

北戈羅里阿部。東界海。南界南戈羅里。西界地尼栢。北界注治尼阿。幅員五萬方里。戶七十三萬七千九百口。墨魯山亦有在境內者。最高之峯五百餘丈。此外大山尚多。林木叢茂。河港岐分。最長之羅阿萊河。由注治尼阿發源。四百里。始英國之臘里壘。此與格拉領頓所壘之查爾士頓。即今南哥羅里等處告成。遂合為一。曰戈羅里。與注治尼阿毗連。故有謂戈羅里之北。即注治尼阿。至于七百二十年。康熙五十九年分疆設吏。始各有其地。遂分戈羅里為南北兩部。甫分五

十六年卽背英而歸附彌利堅國領小部落二十以臘里爲首區設立總領岡色爾等官掌理政事設總會公署一所及書館技藝館俗奉加特力教波羅特士頓教產金鐵木料粟麥洋藍布棉花苧麻工作器

皿原本

美理哥國志畧曰明萬歷十二年英吉利人始至北駕羅連而得其地以費治彌亞爲鄰西以典尼西爲界南接駕羅連東南濱海方域比中國浙江略廣東南地平無嶺惟西北有押罷拉旣俺山時人或呼之

曰藍山或呼之曰鐵山又呼爲煙山皆以其山所有稱之也省東北有晏羅屋磋灣上河其源自費治彌亞而入過東南而注於海東則有大河及奈士東南有呷非耳河有壓健河源委皆在境內其入海處激沙成洲由是分流於班利哥亞皮蔴祿二灣境內地氣惟西爲美東多烟瘴土產黃金故掘地與淘沙者二萬餘人計每年之金變價約銀五百餘萬其木多松居民以松香爲油耕種甚寡植物粟米爲最麥棉煙葉次之人參亦間有之貨罕販運出洋因洋舶少

也分中部六十二居民七十三萬八千四百七十口
會城沿奈士河名喇理首領一員參辦七員議處十
數員參處數十員書院僅一所補今

若治阿部東界南戈羅里南界佛羅里達西界阿那
麻馬北界地尼西地卑濕又復多山墨魯峯在境內
者約四百餘丈扎達湖支河由境內發源而達佛羅
里達入海長五百里此外小河尚多初英國若治阿
二世王時聞南戈羅里有因底阿大呂宋與彌利堅
新墾之地故於千七百三十二年雍正十年遣將率兵並

徙國中貧民至此墾邊遂以國王之名而名其部曰
若治阿有大呂宋人在佛羅里阿者設兵拒之至千
七百九十八年嘉慶三年始歸附於彌利堅國初尚與阿
那麻馬彌斯栖比之西邊小部總為一區至千八百
二年嘉慶七年始畫出疆界領小部落二十有八幅員六
萬二千方里戶五十一萬六千八百二十口俗奉加
特力教波羅特士頭教設總領西業里勃里先特底
甫等官薦舉章程均與戈羅里相同各書館歲用銀
萬八千七百員產金鐵棉花稻穀木料木器原本

海國圖志 卷四十一 西洲
〔美理哥國志〕曰濱海之部以磋治亞部爲盡自雍正十年始有英吉利百餘人寄居于此立一城曰卸番亞迨雍正十三年有瑞典與荷蘭二國人至其時境南有費羅里大地原屬西班牙其居人見有英吉利瑞典與荷蘭等國人至遂與爭鋒干戈數載始息乾隆十八年復有英吉利人至始稱爲磋治亞部東南抵海東北界南駕羅連北接典尼西西連亞喇罷麻南連費羅里大方域如中國直隸省焉北之押罷拉旣俺山至此而止又有數河斜下東南洋東北有卸

番亞河附城有阿結治河又有亞拉達麻哈河皆注南洋地土氣候皆與駕羅連南部無異北有石洞其洞口高數丈下有水時人每用小舟浮入至十五里之深則有瀑布飛下不知其源從何而始不可復進矣貿易耕種皆與南駕羅連相同土產棉花穀米烟葉等省內分爲七十六中部居民五十一萬六千五百六十七口城之最大者附近御番亞河卽以河名其城會城則建于中央名靡理治教會三百餘大書院一所各鄉小學館百所土人有二族其始不諳工

作耕種政教近則延師往教多文墨之人矣初費羅里大地廣人稀邑多土蠻嘉慶年間歐羅巴人與西班牙雅人爭戰有美理哥貨船為西班牙人所劫國中總領知之起兵反討于西班牙雅王王見我國理直惟貨已難返遂以費羅里大地償之是以斯地屬美理哥此乃道光十年事也今補○西班牙即是班牙者呂宋之別稱也阿希阿部東界賓西爾洼尼阿南界洼洽尼阿地尼西西界因地阿那北界彌洽顏依里湖地勢高阜少大山多河渠最長之橫士經岩河亦不過二百里千

七百八十八年

乾隆五
十三年

有西北方人始至阿希阿之

麻里達開墾至千八百年

嘉慶
五年

告成設官兩載即歸

附于彌利堅國領小部落三十有四以戈攬模士為首區幅員四萬五千方里戶九十三萬七千九百口俗奉加特力教波羅特士頓教設總領等官如前例書館二十間經費由公田撥出產鐵煤鹽石板粟煙葉稻穀芋蔴牛馬玻璃棉花等有河道可達港口陸地有鐵車路以達鄰部原本彌洽顏部地分二區中隔彌洽顏休倫兩湖交匯之

水其湖北一區東界英吉利屬地南抵彌治顏湖西
 界威士袞申北抵蘇比厘阿湖有波古派大山高二
 百丈域內河皆北流注蘇比里阿湖僅東隅之仙馬
 里有土番八百人居之餘俱荒曠地廣人稀彌利堅
 亦僅有皮草公司與土番貿易雖設墨臘底炮臺尙
 無人流寓其湖南一區東北俱界英屬地方並休倫
 湖依里湖西抵彌治顏湖南界阿希阿因底阿那三
 面包湖惟南面平陸沙土疏衍隨地可種有先左色
 付河長二百里通舟楫其不通河者卽有鐵車路鄰

部通衢故城邑俱建在南區而北區則尙無城邑也
 彌治顏湖廣約八十里至百里長約三百六十里始
 佛蘭西人於千七百年康熙三十九年墾其地先築底特律
 部落卽今首區也迨各處開闢已成於千七百六十
 三年乾隆二十八年爲英國所奪設達厘多里至千八百三
 十五年道光十五年始附于彌利堅國領小部落三十有
 九幅員五萬六千方里戶八萬七千二百七十口俗
 奉波羅特土頓教設立正副總領二年一易判事之
 人七年一易薦舉如各部之例惟不拘何人均可出

書推薦與各部不同又新闢之地未詳土產原本

根特機部東界注洽尼阿西界依里內士彌梭里南

界地尼栖北界因底阿那阿希阿厥田惟中中少大

山有河道通各部其最長之甘麻蘭河六百里本因

底阿土人遊獵之所時相爭鬥千七百六十七年乾隆

三十年有注洽尼阿北戈羅里兩處獵戶至此遊獵始

引白人數十家遷居於此繩負相望人烟日盛千七

百九十二年康熙五十七年遂歸附于彌利堅國領小部落

三十有七以佛郎賀為首區幅員四萬五百方里戶

六十八萬七千九百口俗奉加特力教波羅特士頓

教設立正副總領西業等皆四年一易里勃里先特

底甫兩年一易判事之人即由總領選擇更易無定

期雖有書館尚未籌撥經費產煤鐵鹽洋硝麥苧蔴

烟葉棉花工作等類原本

美理哥國志畧曰建大基部原屬費治彌亞乾隆三

十有三載有單爺利蓬者徙居于此建一舍四圍皆

木三十有八年至者漸眾立一邑名曰暇律士邑四

十有四年與費治彌亞分茅列土不作附庸四十六

海國圖志 卷之六十四
年則與鄰並立而屬美理哥國其地延袤與中國浙
江無異地居二十六部中央東連費治彌亞東北則
阿嘻阿西北則引底安伊理奈等西有美蘇里南有
典尼西東有押罷拉既俺山自東南連峯而入地土
稍高瀑布流注或南或北或貫北而西往東北有阿
嘻阿河自北而西注于美士細比河故又與阿嘻阿
引底安伊理奈等部交界境內各河皆注于斯地居
通國中央故寒暑均平土地膏腴五穀果木不可勝
用亦有鐵鉛及煤水源之鹹者可以作鹽有一泉水

可作藥用山中之穴甚多其大者上半載風從穴外
而入下半載風從穴內而出竟不知風從何來亦不
知穴之深淺曾有土人于上半歲以窻門掩其風秉
炬而入見其延袤高下不等入行一日過五十里猶
不能盡乃返又經一日始出其穴內之廣可知矣農
圃則禾蔴菽麥煙葉菩提等惟麥甲于諸部不通洋
船故貨物難運出外惟用火船在國內貿易而已分
中部落八十三居民六十八萬八千八百四十四口
其中城市鎮埠以累士鎮爲大阿嘻阿河爲商賈通

津其次則歷星頓鎮前此曾為省會其中房屋工作
 貿易推為最美會城在北介于累士歷星頓二鎮之
 中名法蘭富耳部內兵強將勇官有首領議處參議
 等首領議處皆以四年為一任參議幾十人每年一
 任期滿則由民別舉教會約四五百大學公堂五所
 各處小學館亦不甚多補今

佛羅里達部東西南俱界海北界若治阿平坦少高
 山土夾沙石卑濕異常仙贊士河自境內發源入阿
 蘭底海長二百里始大呂宋之般士底里晏於于五

百一十二年

明正德七年

墾此名其地曰佛羅里達至于

五百六十五年

明嘉靖四十五年

建有歐吳士代部落于七

百六十三年

明嘉靖六十三年

為英人所奪甫二十年大呂

宋旋復奪回於千八百二十年

嘉慶二十五年

遂將全區售

與彌利堅國原居之人皆他適留此者漁戶農夫而
 已近年招復流移築室日眾領小部落二十有五以
 達那哈西為首區僅設議事處一所幅員共五萬五
 千方里戶三萬四千七百三十口尙未設定官府故
 不曰士迭而曰達厘多里猶華言不曰部落而曰地

方也產玳瑁蜜蠟棗子橙石榴無花菓甘蔗棉花洋
藍牛馬豕等又產里付和木最堅久原本

海國圖志目錄

外大西洋墨利加洲

即彌利堅洲

卷四十一

彌利堅國西路十一部

阿那麻馬部

一作亞喇罷麻

彌斯西北部

一作美土細比

雷西阿那部

一作累斯安

因地阿那部

地尼栖部

一作典尼西原本有錄無志今以他志補之

阿干薩斯部

彌梭里部

以上七部連下因底阿四部其十一部皆彌利堅西路

以上二十七部落分東西二路

威斯滾申部

威斯頓部

威斯頓底特力部

阿里顏部

以上四地皆因底阿土人

附彌利堅西路

卷四十二

墨西哥國

一作墨是

北墨利加洲西方三國

北墨利加洲西南四國

北墨利加洲西北土蠻

以上四處皆原本無今據職方外紀補入

俄羅斯在北洲屬地

英吉利在北洲屬地

以上他洲新墾地其呂宋所屬之智利國今已別
自立國又荷蘭佛蘭西葡萄牙西班牙各國尚有
新地在北洲者原本未載
以上諸國皆北墨利加地

卷四十三

南墨利加洲內智利國

舊屬呂宋今自立國

南墨利加洲內孛露國

一作伯路原無今補

南墨利加洲內金加西蠟國

原無今補

南墨利加洲內伯西爾國

原無今補

南墨利加洲內智加國原無今補

以上皆南洲內各國皆據職方外紀補入

墨利加洲海中諸島原無今補

南極未開新洲附錄原無今補

海國圖志卷四十一

歐羅巴人原撰

侯官林則徐譯

邵陽魏源重輯

外大西洋北墨利加

彌利堅國西路十一部內有土番四部

阿那麻馬部東界若治阿南界佛羅里達海西界彌斯栖比北界地尼西土饒沃豐物產境內多山不甚高有單麥米河長三百里陸有鐵車路可達鄰部運載絡繹舊與若治阿彌栖斯比同區至千八百二年

嘉慶始分爲三部。至千八百二十年。嘉慶二十五年歸附于

彌利堅國。領小部落二十有六。以都士加魯沙爲首

區幅員五萬二千方里。戶三十萬九千五百二十七

口。俗奉加特力教。波羅特士頓教。設總領并總會公

署一所。土產金鐵棉花甘蔗洋藍石板。原本

美理哥國志畧曰。亞喇罷麻部。舊地半屬磋治亞。半

屬費羅里大。迨道光元年。然後合爲一部。東界磋治

亞。北界與尼西。西界美士細比。南界費羅里大。與美

是哥海方域較之磋治亞。又畧小焉。北有押罷拉既

掩山。高約百餘丈。亦有數河。大者名亞喇罷麻河。皆

流注磨庇理灣而出海。境內自南距北五度。故南方

夏暑。北則稍有霜雪。亦不甚寒。故禽獸毋庸巢穴。土

產稻穀果實。皆三月放花。四五月成熟。境內炎熱。土

人至夏常入山避暑。所產松皆弱小。稻穀多虛少實。

其外南近美是哥海。並北近山者。盡屬膏腴。地曠人

希。獸蹄鳥跡。交於野外。農牧時防猛獸。棉花爲盛。次

則甘蔗稻穀煙葉果實。皆販至磨庇理灣而出海。分

中部落三十六。居民三十萬零八千九百九十七口。

別有土蠻數百官員則首領副領各一惟議處官多則五十少則二十五員會議以十月杪為期會城建於磨底理灣口因以為名教會二百餘大書院惟二所補今

彌斯栖北部東界阿那麻馬南界雷栖阿那海西界阿干薩士雷栖阿那北界地尼西土饒林木茂惟少大山彌斯栖北河最長在境內即有六百里陸地亦有鐵車路以通鄰部舊屬佛蘭西之雷栖阿那地于七百一十六年康熙五十五年曾建有那支士部落炮臺於

千七百六十三年乾隆二十八年為英國所奪越二十年又

為大呂宋所奪與若治阿阿那麻馬同區嗣若佐治阿那麻馬自歸彌利堅國于是本部落亦遂全售與彌利堅聽其設官治理領小部落二十有五以熱循為首區幅員四萬六千方里戶十三萬六千六百二十一口俗奉加特力教波羅特士頓教設立總領諸官及書館經費如前例舊產烟葉洋藍最盛近又棉花為最原本

美理哥國志畧曰美士細比部始自康熙五十四年

法蘭西人初至寄居有西班牙人亦欲其地故二國相爭自此以為公地後英吉利又與法蘭西相爭迨乾隆二十七年英吉利得之嘉慶二年始歸美理哥二十二年列為一部東界亞喇罷麻北界典尼西西界美士細比河南抵累斯安比之中國直隸省畧小北有押罷拉既俺山至斯而止境北之土皆峻故北河之水有斜下注美士細比大河者有東下注亞喇罷麻者惟境內之河南注墨息哥海地氣寒暑與亞喇罷麻不異惟西無隄障時受美士細比河之溢漲

地極膏腴遠勝亞喇罷麻尤宜棉花貿易亦惟棉花最盛分中部落二十六居民十三萬六千八百零六口會城名查基遜城外附河名珠江人寡貿易少惟西南方之那吉士城商賈雲集以其近美士紐比河火船洋船皆可販運之故補今

雷栖阿那部東界彌斯栖比西界墨西哥國南界海北界阿干薩土地卑濕少大山肥磽各半列河之源長二千里經數部落始至本境而注之海其不通河道者各有鐵車路以運貨始佛蘭西之人墾彌斯栖

比之西隅原屬雷柘阿那之地於千七百六十三年
乾隆二十八年均為大呂宋人所奪千八百年
嘉慶五年佛蘭西人始復取回越三年即鬻與彌利堅國領小部落十
 有九以紐哈連為首區幅員五萬五千方里戶三萬
 四千七百三十口設總領并總會公署一所大書館
 甚多歲支銀萬五千員俗奉加特力教波羅特士頓
 教產棉花甘蔗煙葉洋藍稻穀牛馬原本
 美理哥國志畧曰康熙十一年法蘭西人至累斯安
 地寄居十九年又隨有至者乾隆二十七年以其地

讓于西班牙王嘉慶四年西班牙王返其地七年美
 理哥國總領議出銀千五百萬員與法蘭西王買之
 後十六年立為一部東界美士細比北界倚阿干騷
 西界墨息哥德合師國南界墨息哥海墨息哥國一作墨西科
作墨內地延袤與中國直隸省大同小異東南地平
 西北峯小不峻多大河南有數海島地氣暑熱間有
 煙瘴美士細比河水常漲溢漫及會城即南方亦常
 患潦棉花甘蔗之盛甲于二十六部一農夫可種甘
 蔗十五畝得糖五千斤棉花價賤有風櫃可以去棉

子而取棉花每櫃能當數百人之工貿易則賴美土
細北河凡上游各部洋船皆雲集于斯分中部落三
十一居民二十一萬五千五百七十五口會城在東
南方離河口三百里名新珂涼土補今
因第阿那部東界阿希阿南界地尼栖西界依里內
土北界彌治顏土膏沃山巔亦堪播種茂樹木有注
麻時河長三百七十里陸有鐵車路可通各部始佛
蘭西人於于七百年康熙三十九年始開其地于七百六十
三年乾隆二十八年為英國所奪嗣隨各部背英歸彌利堅

國原與依里內土同區于八百九年嘉慶十四年始分為
二領小部落三十有四以因地阿那波里士為首區
幅員三萬六千五百方里戶三十四萬三千三十口
俗奉加特力教波羅特士頓教立正副總領及西業
三年一易里勃里先特底甫一年一易判事之人毋
論上等次等俱七年一易均由民人公舉書館經費
由公田撥出產洋參煤鹽鐵牛馬粟苧麻蜜臘烟原本
依里內土部東界因底阿那南界彌梭里地尼栖西
界彌梭里北界威士裘申地勢平坦茂林木宜牲畜

彌斯栖比河長五百五十里始佛蘭西人於千七百
 年康熙三十九年先墾附近河岸地建築加河機阿加士機
 部落至千七百六十三年乾隆二十八年為英人奪據與因
 底阿那同區千八百九年嘉慶十四年始分為二千八百
 一十八年嘉慶二十三年亦附于彌利堅國領小部落二十
 有八以灣達里阿為首區幅員五萬五千方里戶二
 十七萬二千四百二十口俗奉加特力教波羅特士
 頭教設立正副總領與各部一例產鹽煤鉛鐵銅草
 蘇煙葉棉花石板麥稻穀其內地出產未能悉知原本

地尼西部原本有目無志今取美里哥國志中典尼西部補之

美理哥國志畧曰典尼西之始僅有駕羅連北部與
 費治彌亞等人至後生齒日繁嘉慶元年遂立為一
 部東界駕羅連北境北界費治彌亞建大基二地西
 界美士細比河南界美士細比亞喇罷麻磋洽亞三
 地東南長袤四面皆斜如浙江省東有峻嶺自北而
 南橫歷數百里與押罷拉既俺山相連河流相通地
 皆膏腴不寒不暑農圃之物除橙及無花果外餘皆
 茂盛工作則有鐵器棉夏布疋等其餘各物皆備部

內分為二路。又中部六十二。居民六十八萬四千八百二十二口。會城建于中央。名那實城。官有首領議處參議等。教會二三百。書院三所。補今

阿于薩斯部。東界彌斯。栖比第尼。栖南界雷西。阿那西界因底阿。北界彌梭里。境內西隅有阿薩麻薩尼大山。未悉里數。彌斯西北河。經境內四百里。其地原屬彌梭里。千八百一十九年。嘉慶二十四年。始分為達厘多里。至千八百三十六年。道光十六年。即歸附于彌利堅國。領小部落二十有四。以力特爾洛為首區。幅員五萬

四千五百方里。戶五萬八千一百三十口。俗奉波羅特士頓教。加特力教。設立總領及總會公署之西業。皆四年一易。里勃里先特底甫。二年一易。審判之人。由總會公署選派。上等者八年一易。次等四年一易。其公舉之制。眾口明言。毋須暗書保薦。此異于各部者。禁賭局。賭具最嚴。奴僕有罪。視白人一例治罪。無所畸重。

彌梭里部。東界依里內士。南界阿于薩士。西界威斯頓。北界威斯衮申。境少大山。林木叢茂。彌梭里河。經

境內五百五十里通舟楫產白鉛砒礬黑鉛鐵煤鹽

石板牛皮棉花牲畜粟麥稻穀千七百年康熙三十九年佛

蘭西人始至其地先建仙羅依士僊尼威委兩部落

土番有二種一曰格臘包士即佛蘭西人之後裔一

曰牙模士即佛蘭西人與因底阿土人婚配而生者

為黑白不分之人作事靈巧特鮮專心原與阿千薩

土同地至于八百一十九年嘉慶二十四年始分部落設職

官三載即附于彌利堅國領小部落二十有三以渣

法甸為首區幅員六萬六千方里戶二十一萬口俗

奉加特教波羅特士頓教設立止副總領二年一易

總會公署之西業四年一易里勃里先特底甫二年

一易至判事之人即由總領等選派久暫視乎其人

有書館教文學寬卹奴僕有殘害其肢體性命者罪

之原本。案此志共列二十七部而美理哥志略則止二十六部者以首部戈攬彌阿乃國都不列于

部數也

彌利堅國邊地土番四部

美理哥國志畧曰新國邊地有一類人言談舉止皆出

類拔萃不知其始自何來惟見其行藏有如亞細亞之

海國圖志 卷四十一 小大西洋 九
土蠻方歐羅巴人始到之時。土人約有十數萬。今則三四十萬矣。計其地則有數十社。體膚赤而眼髮黑。光其髮長而粗。其身高而力。其心明且信。議事則知敬老。臨戰有進無退。惟遇有仇恨。輒若不共天。或受人欺負。愠坐不言。審思良久。起卽赴湯蹈火。務必雪之。倘被敵擒。則束手受戮。斷無屈膝求免。此土蠻之性情也。惟無書籍。不知文字。亦不識耕織炊汲茹毛飲血。及啖菓木菜瓜而已。平日惟業漁獵。或歌跳賭博。病無方藥。惟求叱法之人。餘事則皆村之婦人也。炎夏腰圍獸皮。冬寒則

全衣皮毛。又有面塗五色。頭插鳥翎。意示人以威也。雖有房舍。棲身不過篷簦。無金銀銅錢諸幣。但以樹皮珠石相交易。惟立總理頭目。以議事。至道光元年。有新國人至其地。定章程。導以士農工商之事。風俗漸開。方英吉利據十三部。時聞唆土蠻騷擾內地。及與新國交兵。英吉利欲募土蠻使爲前驅。以攻新國。奈語言不通。土蠻不爲其所用。而新國西邊居人多與土蠻相習者。于是購募土蠻。授以兵器。教以隊伍。別立一軍。以助兵鋒。土蠻踴躍用命。盡力屢敗英兵。故新國之勝。英吉利土

蠻亦不為無助焉。地在新國之西。機落大山之東。墨西哥國之北。英吉利屬地之南。

原無今補

彌利堅國因底阿土番四部

以下原本

威斯滾申達多里部在彌治顏之西。東界彌治顏湖。西界威斯頓。北界英國屬地。南北距六百里。東西距五百里。多陵阜。少大山。土饒易種。北隅多湖。其稔。那碧湖。即彌斯西北河所發源也。彌梭里河在西隅邊界。曲折環繞。經境內千三百里。此外尚有支汊小渠。可通舟楫。本因底阿土番所居。千八百三十年。道光十年

始有彌治顏之白人遷往。有居彌斯西北河東者。以威斯滾申為要區。遂創建部落炮臺。尚未設官治理也。東有尼領比村。那注厘阿村。南有彌爾彎機村。各建炮臺。民業工作。至勃拉伊里都珍村。多佛蘭西貿易之人。約五六百。若彌斯西北河之西。亦稱沃壤。產鉛鐵煤炭尤豐。故彌利堅人於千八百三十二年。道光十二年即糾同土番奪得其地。于濱河之都模格。創建部落。居民千二百人。少南之麥領頓村。居民六百人。築炮臺以保障。居西北者。穩底麻俄土種類約四千。

五百人。由此少東，則彌那摩尼種類，約四千人。居西南者，沙土賀織土兩種，約六千五百人。依阿威士種類，約千二百人。此外尚有因底阿之人，散處各方。種類不一。在北隅與英國所屬交界之邊，米那村，彌利堅設有皮草公司，派人貿易，築有炮臺保衛。綜計威斯頓申幅員，共有二十九萬方里。彌利堅人在此者，約計三萬餘口。所開地不過十分之一。

威斯頓達多里部，卽因底阿土人所居。東界阿干薩士，彌梭里。南界墨西哥，西界落機大山，及墨西哥，北

界威斯頓底特力。幅員二十萬方里。地土肥瘠不等。肥者產五穀蔬菜，牧羊取毛，爲織羽毛之用。瘠者荒蕪不毛，並有冬令薪燒，不然，惟有一種冬草以資炊火。機落大山在境內者，曰占士峯，高約千餘丈。其北隅尚有最高之峯，未及測量。阿干薩士河源自機落大山而至阿干薩士部落，長千五百里。其水深廣，爲烈河、搔夥河、加那底、唵河、那夥河、蘭寧、注撻河、阿些治河、干薩士河所不及。此地乃彌利堅國，給與因底阿土人獵牧之所。立書館，起廟宇，給工作器具。冀漸

化導第種類亦多有土著者有自外遷來者今將武
士衙門於千八百三十六年道光十年春所查明種類
戶口方里列後

土番十四種

作島斯種類萬五千口居地二萬三千五百方里
在阿干薩士之西以耕種爲業產棉花粟米牲畜
亦頗富足有出資數千金作商賈販鹽工作之事
漸知文字自立頭目三人理事四年一易又設立
法之岡塞爾三十名一年一易皆由民人自舉嚴

禁販酒入境有彌利堅國所設廟宇六所教師十
三名并于列河口岸築炮臺一所近習聲教廬舍
華整

格力士種類三千六百名居地二萬五百方里在
作島士之北土肥易耕種其田皆以木圍之產粟
米麥稻蔬菜屋雖不華而寬大自立總岡色爾理
事並設有審判官行法官彌利堅亦于此立廟宇
教師

支羅機士種類六千名居地方二萬二千方里在

海國圖志 卷之二十一 外洋 彌利堅西路 三
格力士之東北人多耕種產鹽及牲畜服色器皿
屋宇畧同自立頭目三人理事立法之人分爲兩
所每年會議一次並設審判與行法之官各二其
阿干薩士河岸有彌利堅國炮臺並廟宇教師二
十人刊印書板

阿些治士種類五千五百名居地方萬一千八百
二十方里在彌梭里之西原居之士著半已歸化
建房屋業耕牧未入化者隨處棲止周圍插竹障
以牛皮卽爲居室淳樸而貧苦

瓜包士種類四百五十名居地方百有五十方里
在彌梭里之西其人比阿些治士畧漸聲教且能
誦讀惜無教師訓導

沙洼尼士種類千二百五十名居地方二千五百
方里在彌梭里之西爲因底阿種類中之最漸教
化者室廬耕牧有書籍文字彌利堅國會造廟宇
設教師刊書板

干薩士種類又名高搔士千四百七十名居地四
千二百方里在沙洼尼士之北土著窮苦與阿些

治土種類無異。所居以籬爲墻。上覆木板而泥其
外。

地那洼土種類八百二十六名。居地三千四百五
十方里。在干薩土之北。俗與沙洼尼士同。有彌利
堅國所設廟宇教師。

機加布土種類五百八十八名。居地方千二百方
里。在地那種類之北。有頭目。獨創教門。以爲能知
未來之事。其教中規矩。以爲如犯惡事。欲赦罪過。
能不飲濃酒。不理毛髮。每一禮拜。聚集諷經四次。

卽可悔解。附從入教者。不過四百人。有彌利堅國
廟宇教師。並炮臺一所。

包尼士種類約萬名。與般加士種類八百名。其居
地二萬五千方里。皆舊土著。

呵麻哈種類千四百名。原土著。居地方若干。未悉
其詳。

阿多士種類。彌梭里士種類。共千六百名。居地方
二千五百方里。亦原居士著。

西尼加士種類。二百五十口。沙洼尼士種類。二百

口其居地方二百方里

委士種類二百二十口比晏機搔士種類六百十口其居地方二百五十方里

比阿里阿士種類加士機阿士種類共百有三十名同居地方百五十方里

阿島士種類二百名居地方五百六十二方里波達注彌士種類四百四十一名居地方若干未詳以上十四種俱已入化此外種類散處無定如阿力加那士詩晏尼士沒拉弗俄羅斯穩特厘士阿

里巴哈士等種皆在化外捕獵為業猿狽無知故

白人少與交易千八百三十五年

道光十五年彌利堅

國遣兵征討始申約束不相侵寇

威斯頓底特力部東界威斯滾申南界威斯頓達多里西界機落大山北界英吉利屬地幅員約有三十萬方里地勢崎嶇人跡罕至故不得其詳千八百五十年^{嘉慶}秋有船戶里威士由彌梭里河溯流而上得其來源於落機大山石壁峭立高有百丈懸瀑飛流河源湍激舟行甚險濱河時有崩圻山麓樹木叢茂

居於上段者。易丹士敏尼達里士墨臘弗各種類。居於下段者。即底頓士然頓士西阿士各種類。千八百三十五年。道光十年與彌利堅拒戰者。此區人居多。土產山羊鹿各種皮毛。

阿里顏達多里部。又曰戈攬彌阿達多里。東界落機大山。南界墨西果國。西界比西非益海。北界英國屬地。西隅近海。山嶺雖多。而東隅落機山最大。其幅員里數未詳。產木料皮毛。有木曰擺樹。高約二三十丈。圍圓約有四五丈。幹直無節。至杪始分枝葉。遠望若

傘然。并有一種。其脂如糖。秋收其子。作餅甚美。惜土人多伐為薪。境內河有阿里顏河。源自落機大山。長六百里。威士河長千里。在戈攬彌阿河口之土蠻。不業農工。非漁即獵。鑿木為舟。可載四五十人。所獵獸皮。運至戈攬彌阿河口。與歐羅巴人易壞炮鐵鍋白珠藍球煙葉鐵刀等物。土俗甫生男女。即以物束頭。俾其頂鼻挺直。并飾脂膩為美觀。間有佩熊爪銅錫藍珠白珠者。多以妻女出售。交易一就。任人調媼。不以為意。居東隅者。伊司律士衣尼沙士注爾拉士梭

加爾士金那士左攀尼士等種。風俗言語畧同。甫生子。以石枕頭。經年始除去之。故其腦骨扁平。惟東南土著與戈攬彌阿河口各種不同。察其土俗音語。似是由附近彌斯西比河遷至也。戈攬彌阿河之北岸。卽彎戈注島。袤廣百有五十里。林木葱蘢。且多沙石。海濤冲激。其聲如雷。居於斯者。食則海魚。衣則獸革。此外尙有小島。每島卽有一種。類各有頭目。先有彌里士曾至其地。見其頭目之屋。約可容八百人。有飲食者。有坐卧者。儀軀袒莽。以人骨爲飾。有庫貯珍寶。

其最大頭目所轄。不過萬有三千人。容貌原不惡劣。惟以赤土和黑沙塗面。令人望而駭惡。食則惟魚。甚至以人爲食。故市上貿易。多有人之手足。

以上原本

